



REPUBLIKA E KOSOVËS
REPUBLIKA KOSOVA – REPUBLIC OF KOSOVO
GJYKATA THEMELORE FERIZAJ

REPUBLIKA E KOSOVËS  REPUBLIKA KOSOVA

VENDIMËSHTË I PLOTFUQISHËM
ODLUKA JE PRAVNOSNAŽNA
GJYKATA THEMELORE / OSNOVNI SUD
FERIZAJ I UROŠEVAÇ

Numri i lëndës: 2018:029862


Datë: 22.06.2018

Numri i dokumentit: 00069122

10.09.2018

P.nr.1365/13

NË EMËR TË POPULLIT


GJYKATA THEMELORE NË FERIZAJ, si gjykatë e shkallës së parë penale, e përbërë nga gjyqtari individual, Adem Shabani me procesmbajtësen-praktikante Marigona Shaqiri, në çështjen penale kundër të pandehurit [REDACTED] nga fshati [REDACTED] Komuna Shtime, për shkak të veprës penale vjedhje nga nen. 252 par.1. të KPPK-së, sipas aktakuzës së Prokurorisë Themelore në Ferizaj PP.nr.642-3/13 dt. 27.08.2013, pas mbajtjes së shqyrtimit fillestar - gjyqësor publik me dt. 22.06.2018, në prezencën e prokurores së Shtetit Mimoza Syla, të pandehurit [REDACTED] mori dhe shpalli të njëjtën ditë publikisht këtë:

A K T G J Y K I M

I pandehuri [REDACTED] nga fshati [REDACTED] Komuna Shtime, i lindur më [REDACTED] nga i ati [REDACTED] dhe ëma [REDACTED], e gjinisë [REDACTED] shqiptare, shtetas e Kosovës e pa martuar, ka të kryer shkollën e mesme, gjendet në Qendrën e paraburgimit në Dubravë, në vuajtje të dënimit i gjykuar për një vepër tjetër penale.

ËSHTË F A J T O R

Sepse me dt. 01.11.2012, rreth orës 17:50 në fshatin Bibaj Komuna Ferizaj saktësisht në lokalit "Jupa", me qëllim që me përvetësimin e sendeve të huaja të luajtshme e që vetit t i sjellë përfitim pasuror të kundërligjshëm, ka marrë telefonin mobil "Samsung S 2", në vlerë rreth 250 Euro pronë e të dëmtuarit [REDACTED], ku më vonë hetohet nga ana e policisë dhe telefoni i kthehet të dëmtuarit.

- me të cilën ka kryer veprën penale vjedhje nga nen. 252 par.1. të KPPK-së

Andaj gjykata në bazë të dispozitë së lartë cituar dhe dispozitave të nen. 3, 34, 36,38,64 e :

G J Y K O N

Të pandehurit [REDAKTUAR] i shqipton dënim burgimi në kohëzgjatje prej 2/dy muajve të cilin dënim i akuzuari do ta mbaj pasi që aktgjykimi të merr formën e prerë.

I dëmtuari [REDAKTUAR] nga fshati [REDAKTUAR] Komuna Ferizaj, për realizimin e kërkesës pasurore-juridike u udhëzuan në kontest civil..

Obligohet e pandehura që në emër të paushallit gjyqësor të paguaj shumën prej 20 Euro në afat prej 15 ditësh pas plotfuqishmërisë së aktgjykimit nën kërcënimin e përmbarrimit.

A r s y e t i m i

Prokuroria Themelore në Ferizaj me aktakuzën PP.nr.642-3/13 dt. 27.08.2013, ka ngarkuar të pandehurin [REDAKTUAR], për shkak të veprës penale vjedhje nga nen. 252 par.1. të KPPK-së.

Gjykata duke vepruar sipas kësaj çështje penale mbajti shqyrtimin fillestar më dt. 22.06.2018 , me pjesëmarrjen e prokurores së shtetit Mimoza Syla, dhe të pandehur [REDAKTUAR]

Në fillim të shqyrtimit fillestar i pandehuri është udhëzuar në kuptim të nenit 246.1 të KPPK-së pastaj gjyqtari gjykues ka çmuar se të drejtat e të pandehurit janë përfill, e më pas prokurori i shtetit ka lexuar aktakuzën të pandehurit dhe pasi që gjyqtari është bindur se i njëjti e ka kuptuar në tërësi , të njëjtit i ka dhënë mundësi të deklarohet mbi fajësinë apo pafajësinë e tij lidhur me veprën penale për të cilën akuzohet.

I pandehuri [REDAKTUAR] ka theksuar se e ndien veten fajtorë dhe e pranon fajësinë për veprën penale për të cilën është akuzuar si në dispozitiv të akuzës si në dispozitiv të aktakuzës edhe pse ka kaluar një kohë e gjatë dhe është penduar për veprën e kryer , i ka propozuar gjykatës që me rastin e shqyrtimit të sanksionit penal të merr për bazë pranimin e fajit dhe se gjendet në i privuar nga liria në vuajtje të dënimit për një vepër tjetër penale.

Gjyqtari në kuptim nenit 248 par.1 nën.par.1.1, 1.2, 1.3, 1.4 dhe par.4 të KPPK-së, është e bindur se i akuzuari e ka kuptuar natyrën dhe pasojat e pranimit të fajësisë, pranimin e ka bërë vullnetarisht duke e mbështetur në provat që përmban aktakuza dhe në materialet e prezantuara nga ana e prokurorit të shtetit.

Pas pranimit të fajësisë nga ana e të akuzuarit gjyqtari në kuptim të nenit 248 par.2 të KPPK-së ka kërkuar edhe mendimin e prokurorit të shtetit lidhur me pranimin e fajësisë, mbrojtësit dhe të dëmtuarit.

Prokurorja e shtetit Mimoza Sylja ka theksuar se pajtohet me pranimin e fajësisë nga ana e të pandehurit dhe i ka propozuar gjykatës që të njëjtin ta shpallë fajtor pasi pranimin e fajësisë e ka mbështetur në provat që gjenden në shkresat e kësaj lënde penale.

Gjykata në shqyrtimin fillestar ka vërtetuar se i pandehuri pranimin e fajësisë e ka mbështetur në provat që gjenden në shkresat e kësaj lënde penale në vërtetimin për konfiskimin e sendeve të datës 04.01.2013, vërtetimin mbi kthimin e sendeve të datës 12.01.2013 si dhe fotografit që gjenden në shkresat e lëndës.

Vlerësuar nga aspekti juridik gjykata gjeti se në veprimet e të akuzuarit manifestohen të gjitha elementet e veprës penale vjedhje nga neni 252 par.1 të KPPK-së.

Me rastin e matjes së llojit dhe lartësisë së dënimit gjykata pati parasysh të gjitha rrethanat të cilat ndikojnë në llojin dhe lartësinë e dënimit sipas nenit 64 të KPK-së, si rrethana lehtësuese gjykata mori pranimin e fajësisë, pendimin për veprën penale që e ka kryer, prej kohës kur e ka kryer këtë vepër penale kanë kaluar mbi pesë vite, nuk është në liri por në vuajtje të dënimit për një vepër tjetër penale, e kjo ka qenë arsyeja pse nuk ka mundur të paraqitet në gjykatë në seancat e caktuar për këtë çështje penale gjykata i shqiptoi dënimin si në dispozitiv të aktgjykimit, duke qenë e bindur se një dënim i tillë është plotësisht i arsyeshëm dhe në proporcion me peshën e veprës konkrete penale, rrethanave të kryerjes si dhe personalitetit e të pandehurit, dhe se me këtë dënim do të arrihet qëllimi ndëshkimor në kuptim të preventivës speciale që i akuzuari në të ardhmen të mos kryejë vepra penale, si dhe në kuptim të preventivës së përgjithshme të parandalimit të përgjithshëm të kësaj vepre penale në shoqëri konform nenit 34 të KPK-së.

Konform nenit 463 parag.1 lidhur me par 3.të KPPK-së, të dëmtuarin [REDAKTUAR], nga fshati [REDAKTUAR] Komuna Ferizaj, për realizimin e kërkesës pasurore-juridike e ka udhëzuar në kontest civil.

Vendimi mbi paushallin gjyqësor është marrë konform nen. 450 dhe 451 të KPPK-së, dhe Gjykata e ka obliguar të pandehurin që të paguaj paushallin gjyqësor në shumën prej 20 €, , nga dita e plotfuqishmërisë së këtij aktgjykimi nën kërcënimin e përmbarimit me dhunë.

Nga sa u tha më lart është vendosur si në dispozitiv të këtij aktgjykimi.

GJYKATA THEMELORE NË FERIZAJ
P.nr.1365/2013 me datë 22.06.2018

Procesmbajtëse
Marigona Shaqiri



KËSHILLA JURIDIKE: Kundër këtij aktgjykimi mund të ushrohet, ankesë, në afat prej 15 ditësh nga dita e pranimit, Gjykatës së Apelit në Prishtinë, përmes kësaj gjykate.